



Broj: 02.1-13-1187/20

Brčko, 28. 10. 2020. godine

Na osnovu člana 36. Poslovnika o radu Skupštine Brčko distrikta BiH („Službeni glasnik Brčko distrikta BiH“, broj: 17/08, 20/10, 4/13 i 31/13), Naredbe komandanta Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.1-1141SM-404/20 od 23.10.2020. godine i Odluke gradonačelnika o davanju ovlašćenja rukovodiocima organa javne uprave i institucija Brčko distrikta BiH, broj: 05-000056/1714 od 9. 1. 2017. godine i 20. 1. 2017. godine, a u skladu sa članom 17 stavom 1 Zakona o javnim nabavkama BiH („Službeni glasnik BiH“ broj 39/14), šef Stručne službe Skupštine donosi:

POSEBNU ODLUKU O POKRETANJU POSTUPKA JAVNE NABAVKE

Član 1

Ugovorni organ Brčko distrikt BiH – Skupština Brčko distrikta BiH pokreće postupak javne nabavke dezinfekcionih sredstava i zaštitne opreme radi sprečavanja širenja virusa u uslovima epidemije COVID 19 na dan lokalnih izbora 2020. godine za potrebe Izborne komisije Brčko distrikta BiH.

Član 2

Zakonski osnov za sprovođenje postupka javne nabavke je član 21 stav 1 tačka d) Zakona o javnim nabavkama BiH – pregovarački postupak bez objave obavještenja o nabavci.

Član 3

Predmet javne nabavke je nabavka sredstava za dezinfekciju i zaštitne opreme. Referentni brojevi iz jedinstvenog rječnika javnih nabavki (JRJN) za predmetnu robu je:

- 24455000-8 - Dezinficijensi,
- 18143000-3 – Zaštitna oprema,
- 33760000-5 – Toaletni papir, maramice, peškiri, salvete,
- 33711900-6 – Sapun,
- 34928480-6 – Spremnici i korpe za otpad i smeće,
- 18424300-0 - Rukavice za jednokratnu upotrebu

Član 4

Procjenjena vrijednost nabavke je 51.282,05 KM bez uračunatog PDV-a.

Član 5

Finansiranje nabavke iz člana 1 ove odluke vršiće se iz Sredstava rezervi Budžeta Brčko distrikta BiH za 2020. godinu sa organizacionog koda 29010001.

Član 6

Ova odluka stupa na snagu danom donošenja.

Obrazloženje

Centralna izborna komisija BiH je donijela Instrukciju o postupanju organa za sprovođenje izbora na izborni dan u uslovima epidemije COVID 19 („Službeni glasnik BiH“, broj: 41/20) kojom su propisani način postupanja biračkih odbora u vezi sa sprečavanjem širenja virusa u uslovima epidemije COVID 19, kao i dezinfekciona sredstva i zaštitna oprema kojom birački odbori moraju raspolagati na izborni dan. S obzirom da su novčana sredstva za predmetnu nabavku obezbjeđena 28. 10. 2020. godine Odlukom Skupštine Brčko distrikta BiH, broj: 01-02-1054/20 iz sredstava rezervi Budžeta Brčko distrikta BiH za 2020. godinu, a kao datum održavanja lokalnih izbora određen je 15. 11. 2020. godine, zbog situacije krajnje hitnosti i uzimajući u obzir značaj nabavke za spasavanje ljudskih života u situaciji ugroženosti zdravlja i života ljudi, posebno na dan sprovođenja lokalnih izbora kada će biti prisutan veliki broj ljudi na zatvorenom prostoru, odnosno prostorijama u kojima će se obavljati glasanje, te u skladu sa Naredbom kriznog štaba za zaštitu i spasavanje Brčko distrikta BiH, broj predmeta: 02-000049/20, broj akta: 01.1-1141-SM-404/20 od 23. 10. 2020. godine, ugovorni organ će sprovesti pregovarački postupak bez objave obavještenja o nabavci u skladu sa članom 21 stavom 1 tačkom d) Zakona o javnim nabavkama BiH.

ŠEF STRUČNE SLUŽBE
SKUPŠTINE BRČKO DISTRIKTA BiH
Jovo Galić, dipl. pravnik



DOSTAVLJENO:

1. Pododjeljenju za javne nabavke,
2. Evidenciji,
3. Arhivi.